

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Stručna služba Gradskog vijeća
Broj: 01-04-4/23-AP-73
Datum: 10.07.2023. godine

**Web stranica Grada Zavidovići
„Radio 1053“ Zavidovići
Oglasna ploča Grada Zavidovići**

PREDMET: OBAVJEŠTENJE O ODRŽAVANJU JAVNE RASPRAVE, dostavlja se.-

Skupština Zeničko-dobojskog Kantona na svojoj 10. sjednici održanoj dana 22.06.2023. godine, prihvatila je Nacrt Zakona o javnim priredbama i Zakona o mirnom okupljanju.

Nacrt Zakona o javnim priredbama i Zakona o mirnom okupljanju upućeni su u javnu raspravu u trajanju od 30 dana.

Pozivaju se zainteresovana pravna i fizička lica Grada Zavidovići da prisustvuju Javnoj raspravi po Nacrtu Zakona o javnim priredbama i Zakonu o mirnom okupljanju, koju provodi Ministarstvo unutrašnjih/unutarjih poslova Zeničko-dobojskog kantona.

Javna rasprava će se održati **13.07.2023.** godine (**ČETVRTAK**) sa početkom u **10,30** sati u Velikoj sali zgrade gradskih organa Grada Zavidovići.

U prilogu obavještenja dostavljamo Plan javne rasprave o Nacrtu Zakona o javnim priredbama i Zakonu o mirnom okupljanju.

Tekst Nacrta Zakona o javnim priredbama i Zakona o mirnom okupljanju, nalazi se na web site: www.zdk.ba i www.mupzdk.gov.ba.

S poštovanjem.

SEKRETAR
GRADSKOG VIJEĆA

Samira Pinjić, dipl.pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
ZENICA

Broj: 08-02-06/1- 02-1-10-21-23.

Dana: 03. 7. 2023. godine

Postupajući po Zaključcima Skupštine Zeničko-dobojskog kantona broj: 01-02-10211/23 od 22. 6. 2023. godine i broj: 01-02-10211/23 od 22. 6. 2023. godine, a koji se odnose na obavljanje javne rasprave o usvojenim Nacrtima Zakona o javnim priredbama i Zakona o mirnom okupljanju, Ministarstvo unutrašnjih poslova Zeničko-dobojskog kantona donosi

PLAN JAVNE RASPRAVE
o Nacrtu Zakona o javnim priredbama i Zakona o mirnom okupljanju

I

Ministarstvo unutrašnjih poslova je u skladu sa Programom rada Vlade i Skupštine Zeničko-dobojskog kantona za 2023.godinu pripremlilo Nacrte Zakona o Javnim priredbama i Zakona o mirnom okupljanju.

Vlada i Skupština Zeničko-dobojskog kantona su podržale predložene tekstove Nacrta Zakona i nakon održane sjednice u cilju poboljšanja tekstova Nacrta Zakona o javnim priredbama i Zakona o mirnom okupljanju i eventualnih sugestija i prijedloga predložile provođenje javne rasprave svih zainteresovanih subjekata.

Osnovni razlog za donošenje Zakona o mirnom okupljanju jeste ukazana nužnost da se pravo na slobodu mirnog okupljanja, kao jedno od temeljnih demokratskih prava u svakom društvu, na području Zeničko-dobojskog kantona koristi u skladu sa međunarodnim standardima i garancijama efikasne zaštite ustanovljenim u Evropskoj konvenciji o ljudskim pravima i osnovnim slobodama i Međunarodnom paktu o građanskim i političkim pravima, a koji su primarno obuhvaćeni Smjernicama o slobodi mirnog okupljanja Venecijanske komisije, kojima se obrađivač zakona prilikom izrade Nacrta istog u potpunosti rukovodio. S tim u vezi, Zakon o javnom okupljanju, koji je trenutno na pravnoj snazi u Zeničko-dobojskom kantonu, u velikom dijelu ne omogućava korištenje slobode okupljanja i javnog izražavanja u skladu sa naprijed navedenim standardima, zbog restriktivnih i ograničavajućih odredbi, naročito u pogledu mjesta okupljanja, ograničenja i zabrana okupljanja, te velikih odgovornosti i obaveza za organizatore okupljanja, zbog čega je do izražaja došla potreba za donošenjem novog zakona, čiji će pravni okvir u najširem mogućem smislu obezbjediti slobodu okupljanja uz poduzimanje mjera i radnji u cilju mirnog uživanja ovog prava. Drugi razlog za donošenje ovog zakona je političke prirode, jer Bosna i Hercegovina u svom putu ka EU mora ispuniti jedan od ključnih prioriteta, a to je „osigurati poticajno okruženje za civilno društvo, posebno poštujući evropske standarde o slobodi udruživanja i slobodi okupljanja“. U proceduri normiranja predloženog teksta korištena su iskustva Brčko Distrikta Bosne i Hercegovine, koji je u 2021. godini usvojio Zakon o mirnom okupljanju, koji je po preporuci Venecijanske komisije usaglašen sa međunarodnim standardima.

Osnovni razlog za donošenje Zakona o javnim priredbama jeste činjenica što će se Zakon o javnom okupljanju Zeničko-dobojskog kantona koji je trenutno na pravnoj snazi u Zeničko-dobojskom

kantonu, donošenjem novog Zakona o mirnom okupljanju staviti van snage, a isti je u svojim odredbama tretirao i materiju javnih priredbi. Pored naprijed navedenog razloga za donošenje ovog zakona je i preporuka Misije OSC-a u Bosni i Hercegovini koja je u svom mišljenju na Nacrt Zakon o mirnom okupljanju preporučila da se sva okupljanja koja za cilj imaju stvaranje prihoda, kao što su zabavni nastupi, muzički i drugi kulturni događaji koji ne uživaju isti stepen zaštite, pripremi poseban zakon, a što je u skladu sa Smjernicama o slobodi mirnog okupljanja Venecijanske komisije.

U proceduri normiranja predloženog teksta korištena su iskustva Brčko Distrikta Bosne i Hercegovine, koji je u 2021. godini usvojio Zakon o mirnom okupljanju, koji je po preporuci Venecijanske komisije usaglašen sa međunarodnim standardima.

Cilj javne rasprave je da se o predloženim rješenjima upoznaju predstavnici svih zainteresovanih subjekta sa područja gradova/općina, odnosno kantona, uključujući sudove, udruženja, pojedince i uz sudjelovanje predstavnika javnog informisanja kako bi se građani odnosno šira javnost upoznali sa odredbama Nacrta zakona i eventualno poboljšali tekst Zakona o mirnom okupljanju i Zakona o javnim priredbama.

Od javne rasprave se očekuje doprinos svih zainteresovanih u poboljšanju tekstova Nacrta zakona koji će Vlada Zeničko-dobojskog kantona kao predlagač dostaviti Skupštini Kantona u vidu Prijedloga Zakona na razmatranje odnosno usvajanje.

II

Javna rasprava obaviti će se na sastancima u sjedištu općina/gradova na području Zeničko-dobojskog kantona koji se održavaju u sljedećim terminima:

- | | |
|----------------------|-----------------------------------|
| 1. Grad Zenica | 10. 7. 2023. godine u 10:30 sati, |
| 2. Općina Kakanj | 10. 7. 2023. godine u 10:30 sati |
| 3. Grad Visoko | 11. 7. 2023. godine u 10:30 sati, |
| 4. Općina Breza | 11. 7. 2023. godine u 10:30 sati, |
| 5. Općina Vareš | 12. 7. 2023. godine u 10:30 sati, |
| 6. Općina Olovo | 12. 7. 2023. godine u 10:30 sati, |
| 7. Općina Žepče | 13. 7. 2023. godine u 10:30 sati, |
| 8. Grad Zavidovići | 13. 7. 2023. godine u 10:30 sati, |
| 9. Općina Maglaj | 14. 7. 2023. godine u 10:30 sati, |
| 10. Općina Tešanj | 14. 7. 2023. godine u 10:30 sati, |
| 11. Općina Doboj jug | 17. 7. 2023. godine u 10:30 sati, |
| 12. Općina Usora | 17. 7. 2023. godine u 10:30 sati. |

Sastanke u gradovima/općinama prema gore predloženom rasporedu blagovremeno će zakazati službe gradonačelnika/načelnika gradova/općina i sekretari gradskih/općinskih vijeća koji će osigurati prostore koji omogućuju prijem dovoljnog broja osoba za održavanje javne rasprave, kao i osigurati prisustvo subjekata iz stava I ovog plana kao i odrediti lice – zapisničara zaduženog za dostavu sumiranih rezultata sa javne rasprave Ministarstvu unutrašnjih poslova Zeničko-dobojskog kantona kao obrađivaču tekstova Zakona.

Na svim navedenim sastancima Ministarstvo unutrašnjih poslova Zeničko-dobojskog kantona će osigurati prisustvo svojih predstavnika radi vođenja javne rasprave a sve sa ciljem lakšeg sumiranja javne rasprave o Nacrtu Zakona o mirnom okupljanju i Zakona o javnim priredbama u svih dvanaest gradova/općina Kantona.

III

Za izvršenje ovog Plana odgovorno je Ministarstvo unutrašnjih poslova Zeničko-dobojskog kantona.

IV

Ministarstvo unutrašnjih poslova je na svojoj službenoj web stranici dana 03.07.2023.godine objavilo tekstove Nacrta Zakona o mirnom okupljanju i Zakona o javnim priredbama .



M I N I S T A R

Benjamin Sinanović

A handwritten signature in blue ink, which appears to be 'BS', is written over the printed name 'Benjamin Sinanović' and extends upwards into the word 'MINISTAR'.